



平  
湖  
縣  
誌  
(光緒)  
三

ISBN 988-978-316-9



二〇〇六年三月

## 中國海疆舊方志

選題組織策劃：蝠池書院出版有限公司

發行者：蝠池書院出版有限公司

出版者：蝠池書院出版有限公司

香港九龍旺角花園街二十六號好景商業中心二十三樓二三〇九室

電話：〇〇八五二一六五五九二三七〇

傳真：〇〇八五二一三三八七九〇〇

定價：人民幣 九五〇〇〇元（全書共三百一冊）

平湖縣志卷九

四品銜升用同知平湖縣知縣彭潤章修

祠祀

壇廟家墓

祠宇

壇廟

按壇祀神祇宜列廟前前志目題廟壇已屬倒置而屬壇又躋先農壇前更爲失序今依通禮釐正而民間報

賽之廟附焉

社稷壇

在西門外西林寺東南

宋志

乾隆五十二年知縣王恆捐

俸重修

王志

歲以春秋仲月上戊日致祭祭以少牢

新纂

先農壇

在東郊二十一都巳字圩

聖塘莊案山圩

雍正五年知縣楊克

慧奉文建立壇宇并置藉田四畝九分

巳圩五十四號

浙江通志

歲仲

春亥日祀以少牢籩豆簠簋如制文武皆與焉祭畢行耕藉禮知

縣秉耒凡九推典史執青箱播種農夫終畝耕畢望

闕行謝

恩禮勞老農其壇在田後廟三楹又在壇後藏先農神牌左右房各一

間東庖祭器西實耕穫所入又以歲十二月祭八蜡孟夏擇日常

雩並祀於壇

高志

歲收藉田穀六石五斗存儲五年出糴易銀儲庫

歲支祭祀

銀四兩

四十六年颶風壇宇圯五十年知縣王恆捐廉俸一百

八十兩有奇重建

王志

先蠶壇

在西林寺乾隆五十九年奉文增入祀典視先農之祀

知縣黃嵩齡建立歲以三月吉巳及九月十六日致祭

路志

按路志云春

祭於地丁項下秋祭於備公項下各支銀四兩嘉慶七年奉文節省備公檄令捐辦今考賦役全書無動支先蠶壇祭銀未知何據

風雲雷雨山川壇

舊在縣南半里

府志

嘉靖間知縣顧廷對遷

南門外教場東北

程志

乾隆五十二年知縣王恆捐俸重修

王志

歲以

春秋仲月諏吉致祭

按王志作上丁後十日今從通禮更正

如社稷壇儀

賦役全書社稷山川

壇春秋二祭共銀三十二兩奉文酌減二兩二錢六分

新纂

邑厲壇

附

在西林寺西

邑人馮洪業捐基一畝五分

歲清明中元十月朔日致

祭必迎城隍神主之附祭死倭難主簿李天運

無考

典史喬登鎮撫

彭應時百戶朱璽

賦役全書米折銀六兩三錢銀二十四兩奉文酌減銀三兩

程志纂

### 右壇

先師廟

詳建

歲春秋仲上丁日致祭先師東西列四配次十二哲

次兩廡七十二子及春秋以來先賢先儒主祭官祭正殿分獻官

分祭十二哲兩廡先日省牲齋戒習儀習樂

賦役全書二祭銀六十兩奉文酌減一十

兩朔望香燭

祭日先期祭

崇聖祠

賦役全書

二祭銀一十二兩朱志纂

邑祠系志

祠祀

壇廟

名宦祠

附

祀先師日禮畢致祭明知縣熊卓周仕曾曙楊挺高劉

存義顧廷對李實劉士瑗朱欽相羅尙忠陳熙昌程楷教諭林光

洪敷文柴世皋縣丞梅清典史喬登

國朝知縣呂猶龍王鳳生教諭陶鑄又浙省通祀總督李之芳王國

安王鵬李衛嵇曾筠趙申喬巡撫朱昌祚范承謨學道張衡按察

使楊宗仁提督塞白理府縣通祀知府盧崇興海鹽並祀總督趙

廷臣巡撫蔣國柱凡三十四人

王志纂

按府伊志云王

志失載巡撫呂猶龍今補考浙江

通志呂猶龍康熙六十一年以福建巡撫調任浙江抵任而歿今

平湖得祀名宦以其先曾任知縣也又按府志外縣名宦祠無祀

猶龍者其爲知縣

祀無疑故從之

鄉賢祠

附

祀先師日禮畢致祭

賦役全書名宦鄉賢祠春秋二

祭共銀八兩奉文酌添銀二兩 宋  
魯文謚明沈琮沈津陸宗秀俞迪馬曉沈榮許盛陸珪倪輔陸銀

屠勳過璘吳佐馬昆吳軾馮俊陸淞沈煉屠奎孫璽屠奎趙漢屠  
應墳陸琳陸燕劉玘孫校陸鼇姚篚馮汝弼趙伊沈垣俞咨伯陸  
山孫植陸杲陸光祖陳善道屠仲律曹禾沈宏光陸珂陸光祚陸  
光弼俞南金陸鮮馬瑀王言馮敏功沈懋孝孫從龍陸志孝馬千  
乘馬千里陸文典金錫張大忠陸萬垓陸萬源施應墳孫成泰馬  
應圖戈用泰陸基誠陸基忠陸基恕胡友忠過厚劉希聖馬維鉉  
陳泰來陸長庚陳九韶馬維銘施鳳來馬德澧毛應銓徐子方徐  
子章金汝諧沈萃楨陸鍵馬德澍郭日乾沈瑞鑒陸澄原陸懋功  
陸錫明陸燦金德普馬嘉植陸清原李天植楊兆梧陸本邵朗馬  
嘉楨

國朝陸啟鐸倪承裕陸濬睿沈棻陸大柱邵延齡沈夢麒陸隴其顧

人龍程伯鏐高士奇高輿沈初陳嗣龍張兕誠朱爲弼黃鳳倪承

弼徐士芬方垌顧廣譽朱善張凡一百二十人

內兼祀於府學者  
沈琮屠勤屠應垌

孫校孫植陸光祖沈懋孝陸萬垓施鳳來馬德禮陸鍵馬德樹馬  
嘉植陸本凡一十四人其祀於府學而未入縣學者屠應垌俞乾

屠叔方賀燦然高文登沈  
思孝凡六人 王志纂

忠義孝友祠

附

在儒學訓導署西南雍正元年奉

恩詔

舉行四年知縣楊克慧建

張志

大門一座祠堂三間祀先師日禮畢

致祭

春秋二祭銀三兩  
備公銀內動支

其以忠節祀者明周翼明陸燦康承爵陸

士鉉陸清原凡五人以尙義祀者宋魯文謚明沈珍陸宗秀沈昊

屠機江濟俞迪孫佐鍾鳴遠潘璧陸平陸杲楊陞俞錦張溥陳增

曹臬韓文陸垕陸序魯烈沈維錡沈維鈞陸光宅劉麟陸基誠李

爌陸珂陸文典郭日乾倪維城施應垌曹鍾鳴陸長春陸瑞銓倪

士顯沈紹闔過厚曹繹祖胡嗣璜劉亮采

國朝張冲元張甫陸其燧凡四十四人以孝友祀者元過宗一明沈  
渭沈琮沈燮馬炯陸銀郭球過橋孫璧林兩陳謨沈思孝秦涇楊  
志英俞懋修俞永言馬瑀陸錫命時敏曹伯來胡士奇胡士章毛  
應銓陸萬源馮伯禮馮伯禪劉希聖陸基志俞志皋張熒陸文相  
馬香陸萬達陸燭馬維紘陸大銳陸大鋈趙邦次沈瑞盤馮洪業  
俞煜楊兆梧陸本陸倣孟顧之琦姚二姓宣

國朝湯自梁金式玉陸徵誠顧明傑沈日芳金赤徐昱屈希平王棟  
馮錡張世昌吳元凱方樹業陸汝灝張慶成朱士坊伊秋和凡六

十三人

王志纂

關帝廟

在慶源橋西明崇禎十三年建

朱志陸之祺關廟碑記蓋夫頌神之功是在

捍災禦患立人之極要于翊紀扶倫惟忠義爲宇宙所同卽英雄亦範圍不過儼在庭而陟降實留剛大之氣以塞兩間敦盈正而感通須本正直之心以對千古馨非黍稷愷悌則求福不回道若日星昌明則與神合吉我父母宜興吳侯應機通理秉念塞淵爲能治人以答幽故可尊神而設教稽諸祀典謀及庶人僉曰縣治西故有關公廟公志存炎漢屹然樹君臣兄弟之坊庸著累朝允矣爲社稷生靈之主有其舉之不可廢慮其始矣樂于成百堵具興宜民因而忘倦五材咸節備物所以告虔今而後考鐘鼓而式几筵時凜和平之聽潔蘋蘩後有文幟閣祀文昌而薦忠信毋貽隕越之羞

國朝雍正三年知縣郅煜改文幟閣建三公祠

高志

祀關帝日先期行

禮纂

乾隆六年大門燬於火知縣高國楹重修

按時監生施元章等募修經年始竣

十三年知縣閻公銑重建大門五間二門五間大殿三間前軒三

楹（知縣閻公銑記畧）關帝廟崇祀一千五百有餘歲矣其生平忠義大節光史冊而震天壤者無俟余之辭費唯是歷代崇封命

祀典禮有加說未有定制逮我朝屢降殊錫封祀先代廕爵後

裔（詔）天下郡縣咸立廟三時命官致祭薦以太牢禮與文廟

埒夫崇其神者旣至而棲其神者或不克整以肅則有司者之過也丁卯春攝篆當湖下車來謁跡廟址囿于地苦偪仄陳牲設帛

近在陪城官屬瞻拜咸列庭中遇風雨之辰率出私錢爲助爰誦戊辰之三月  
列諸君指作爲坊邑人士亦相率出私錢爲助爰誦戊辰之三月  
上浣經始於六月望前落成邑人士請記以旌諸石余更慮廟既  
整以肅倘不率教者習焉溷擾終非所以安神也並勒條禁且以  
告後之君子  
三十四年刑部員外屈樹榮重建三公祠三間

建三公祠及茶亭記當湖治西武廟創自前明我朝雍正三年  
重以春秋祀典屢加增廓廟貌益崇大殿後舊有三公祠前已令  
部侯所搆也廟前向有茶亭四間乾隆二十七年燬於火二十八  
年先大夫從仕持循葆仁之請親往相度謂廟無產業艱於修理  
捐資三百金有奇改茶亭作市房歲收賃錢一十二千爲歲修之  
資復慨然以三公祠舊制卑陋日就傾圯將改建以崇典制未及  
興工而天不假年資志以歿榮謹承先志於三十四年捐資三百  
金有奇造樓殿三間親自經理庀材鳩工凡三閱月而蕝事余惟  
先大夫一生樂善好施寺宇橋梁捐資獨造者指不勝屈而於是  
廟兩次捐造并爲生息以計久長恐後之住持者久而遂忘不得  
不誌其  
四十九年僧際元募建行宮三間上建文昌閣五十三  
年

知縣王恆重修改殿後樓三楹爲東西翼房各三間按閭公鉅碑

大門及水次屋基靖江訓導馬鳴雷尚寶司卿馬鳴霆捐基文幟  
閭閻今三公祠貢生戈帶如捐基行宮生員戈朝榮捐基大門東

首向爲土地祠今爲東街參議陸光旭捐基大門西首州同知何

廷銓監生施元章等募捐買馮姓屋基爲西街又住僧際元所置

田凡二十二畝二分七釐及屈天歲以五月十三日及春秋仲擇

成所捐市房四間皆廟中僧經管

日致祭賦役全書三祭共嘉慶八年知縣路錚率邑紳黃鳳等捐

資重建大殿並修葺臺廡門牆咸豐十年燬僅存大殿同治五年

知縣郭惇典捐建大門十二年邑人重建二門廊廡並新殿宇新纂

其餘隨地立廟者一在南月城廢今一在西月城咸豐十年燬一在

小南門內廢今一在縣治後牧愛橋卽文武宮乾隆五十二年知縣王恆重修一在德藏

寺東廡今毀一在松風臺西今名松一在永甯橋東廢今一在北門

外邑人曹甯一在南門外新橋一在乍浦凡四廟東西南一在新

帶鎮西明隆慶時侍御曹光捐資獨建一在新倉鎮按程志云關帝在帝左右無

盡處必立廟爲一方保障今特記

其廟之在城鎮者如右王志纂

文昌廟 在佑聖宮內明萬曆四十四年建志

國朝嘉慶六年列入祀典咸豐六年升入中祀七年重建廟宇同治

九年知縣邢守道重修光緒七年知縣彭潤章以廟附道院規制

未肅別建於報功祠舊址儀門三間大殿三間前軒三楹後殿三間兩旁各有廊歲以二月

三日並春秋仲諏吉致祭如關帝廟儀賦役全書祭銀二十兩按今三祭奉文酌增銀四

十兩其動支祭之日先期祀文昌帝君先代於後殿新纂

旗纛廟 在乍浦所東久廢程志軍牙六纛之神歲霜降日于教場

致祭朱志賦役全書祭銀四兩九錢五分五釐奉文裁解按

郡城副將故祭銀裁扣解司

陳山顯濟廟 宋大觀三年建舊圖經以神為天帝典雨曹政和

間縣人郭三益為中司以祈禱感應奏請封爵崇甯三年詔以顯

三月系示 祠祀 壇廟

三  
二  
一

一

濟名其廟宣和五年封龍君爲淵靈侯紹熙元年六月旱暵知縣  
李直養因禱於龍君得小龍以歸就縣廳設醮三日後果雨是歲  
大稔聞于朝進封龍君爲廣惠淵靈侯龍母爲慶善夫人二年直  
養建新龍君龍母二大殿裝龍君及龍母四龍王像置供具繪龍  
于壁自廟門而下皆一新之五年勅封龍君爲廣惠淵靈威佑侯  
龍母爲慶善薦福夫人

至元嘉禾志 采龔頤正顯濟廟記秀州海鹽縣乍浦之陳山有靈湫居山之半水

旱不涸不溢山椒有盤陲大石歲三月十有八日吳之陽山及此  
山多雲霧晦冥雷雨之變俗傳爲白龍君以是日生於陽山而歸  
藏其母於是焉故有祠事甚嚴州邑旱潦致禱必先酌酒石上有  
物蜿蜒卽見崇甯三年部使者以聞詔以顯濟名其廟宣和五年  
又以昭蘇旱虐始封龍君爲淵靈侯紹熙元年四月不雨至於六  
月雖陽李直養攝邑華亭部使者以才薦畀令事還入境漕河已  
斷流亟走祠下俄有蜿蜒舉體金色見神座上直養迎挹卽循其  
左臂而上至中幃因請歸醮祠復循而上如初奩中四龍子如粟  
闔境驚異見所未有閱三日大雨霑洽溝澮畢通苗槁而興誕寅  
蜿蜒及奩子于石頭之俱無所見七月又旱申禱旋應適如其時

日是歲進封龍君爲廣惠淵靈侯龍坊慶善夫人命旣下神報益  
彰明年三月直養以祠宇敗撓弗稱夫上帝與神施遂哀衆力爲  
建二大殿鼎新象設且列四神像於後以表四龍子之異乃四月  
龍見於龍母殿自空而下其大如柱光彩奪目觀者震悸不敢仰  
視五月廟僧夢神人告將迎龍淮上有日計海邑之雨可支兩旬  
耳自是開霽復雨之日果再浹也又明年三月直養遣工繪於壁  
至則壁尚溼不可爲也念且歸其夕夢金冠白衣神人以令俾爾  
畫龍龍實難畫工曰畫非難壁溼耳應曰乾矣東信行雨自西而  
歸仍有珠乃成龍更語爾令他日謁雨當誦華嚴袖出經一卷顧  
其後四神人云此亦而令所致也工起視壁果已乾如戒而成有  
蜿蜒正白復見神座睨視壁間久之躍而入於花壺四月郡守趙  
不迹以梅雨愆期親作文以禱其應立至六月直養請于郡徙興  
福院創廟之右以廣僧居而嚴香火直養狀如此以屬楚國龔頤  
正紀於麗牲之石夫龍之爲神變化無方與天爲徒孰能測識上  
古之世爲人豢擾有道之時遊其宮沼迨及後來雖渺焉弗覩而  
乘雲御氣開闢化樞呼吸風雷主持暘雨司民大命克配君德有  
不可誣者今茲龍君之神應暴著一時聳動觀聽春秋祈報斯民  
是怙闔千萬祀宜無斂頤正不敢沒其實姑櫟括比次如右而系  
之以迎享送神之詞云海波淵淪兮海山龍嵒其下潛通兮君之  
宮時思其母兮來春容菖葉生兮杏帶融君之來兮雷隆隆雨我  
田兮秋芄芄我之懷兮無初終君稅駕兮芬芬我黍我稌我抑亦薦其  
列鼎重茵君之宮兮屯雲蕙肴蒸兮芬芬我黍我稌我抑亦薦其

蘋兮君明其衷兮無吐芳新吹洞簫兮望極浦君之歸兮雲在下  
十風兮五雨祐我海邦兮汙萊斥鹵君不來兮使我心苦千秋萬  
歲兮爲明去侯爵稱陳山之神洪武初載祀典作浦廟建于宋者  
民所估

歲久而圯合龍君母子爲一祠規制甚狹崇禎五年夏旱邑舉人

馮洪業親步禱雨有奇應復建前後二大殿頓還舊觀九山志趙維寰記

吾邑乍浦之陳山有龍湫焉歲旱禱雨必謁湫取水父老相傳謂

取水而水中有物若蜿蜒然者是爲龍降必得雨然在昔戊子赤

地千里邑人亦一再行之弗驗也崇禎壬申自夏五不雨至六月

問萬衆嗷嗷邑令築壇南郊屬術僧禱旱愈劇吾友馮茂遠乃簡

邑乘得宋宣和紹熙故事請挹水于湫而躬肅將之五步一嗟十

步一拜懸嶺八十一丈偃僂而登勿敢頓足于是及湫挹水果有

神物蜿蜒水中矣初僅得一條而五五復爲三三復爲四四復爲

五迨水至壇而甘霖且濤沛爰自四郊徧乎鄰壤罔不沾溉皆龍

力也願壇僧不恪妄強龍必再雨不雨且誅詬而蜿蜒者遂忽化

去大衆愕然無何茂遠家僮急報吾家古佛前淨水中有蜿蜒者

五茂遠急歸視則盤旋雄躍神氣飛動其背參參其眸灼灼大者

寸許小者半之縮則茵而粒拓則甃而蜥依然壇上物也茂遠益

驚異爲虔恭肅謝而還之湫余嘗見野史所載唐明皇時僧無畏

召龍致雨事甚奇未敢信不圖證之茂遠願以郊壇之虔奉龍不